

Sifilis

Rodea tu informacija ki javer čhib? Dža akate www.hivportalen.se

I sifilis ovela taro bakterie. O bakterie šaj bešena ko bijkeri-baskere (pol) organeskere ligavice thaj ko paluno thulopor, ko muj ja ko grkljani. O bakterie šaj thaj te oven ki rana ja te isfrlinen pes ki mortik so kerela pes taro bakterie. O sifilis phiravela pes ko biarahle seksualikane kontaktia thaj ingarena pes lokhe maškar o manuša ko vaginalikane pašljojba, analikanoseksi thaj oralikanoseksi. O sifilis šaj te ingarel pes čhungareja. O bakterie tegani khuvna andre ki rana ja ko khuvdo than (povreda) ja palem ko mujeskere ligavice. Tu šaj thaj te astare sifilis kotar o rat, ako istemal-kereja (koristineja) droge thaj ulaveja o sprici thaj i suv džikasaja so phiravela i bakterija.

SAVE SIMPTOMIA ISI KO SIFILIS

Na valjaneta te ovel tut nesave simptomija taro sifilis, šaj te džal hari vakti angleder te hošine (osetine) nesave pharipa. O simptomija avena taro duj kurke dži o trin masek palo so astargjan i infekcija, tegani šaj te astare rana ko bijkeri-baskoro (pol) organi ja ko than kaj i bakterija čhikja pes, sar misal (primer) trujal (okolu) e palune thule poreskoro phravdipe ja ko mujeskere šupline. I rana navaljaneta te tharel ja te dikhal. O krajnikija (limfna čvojra) keda tane paše e ranaja butvar šuvljona.

TESTIRIN TUT TARO SIFILIS

O lejbe zumavibe (probe) baš o sifilis tano bilovengoro. O zumavibe (probe) šaj thaj te len pes tari bakterijakiri rana kaj so šaj o bakterie te ovel. O bakterie šaj naj anglovak-teske (najrano) te dikhelapes štar kurke palo o vakti e astaribaskoro taro nasvalipe, odoleske ka adžikere trin masek taro astaribaskoro nasvalipa te testirine tut te šaj oveja sigurno so i bakterija arahlja pes. Testirin tut ako šubakereja kaj isi tut sifilis.

SASTLJARIBA

O sastljariba taro o sifilis tano bilovengoro. I infekcija sastlakerela pes obično penicilin inekcijaja ki jek dži o trin kurke. Thaj to sekspartneri valjaneta te testirinel pes ako tu phiraveja i bakterija. Isi tut pobuter partnerija, ka valjani sarine te testirinen pes.

KO SO TE GINDINE (MISLINE) KO SIFILIS

Tu šaj te astare o sifilis but puti. E sifiliseskiri rana šaj thaj te sastljol korkori pestar thaj i infekcija šaj te mirujnel (odmorinel) ko trupo (telo) but berša. Tu šaj thaj te astare disave nasvalipaskere ovipa (posledice) ako i infekcija na sastljarela pes. O rizik baš o nasvalipaskere ovipa (posledice) tuknjona ako sigate aveja te sastljare tut.

O sifilis šaj te iranel pes ko agjehar vakerde sekundaeskere thaj tercijaeskere infekcijakere faze. O simptomija ulavena pes tegani tari i angluni faza. Ki dujto faza taro sifilis šaj te ovel tut jag (temperatura) thaj šaj te peren te bala.

I dujto faza taro sifilis avela taro ešta dži o deš kurke palo o angluno napad (diso so ovela taro jekputi) so sastilo. O sifilis ki trito faza šaj but ponodori te del phare dukhadvipa ko kardiovaskularikano sistemi ko telo. Isto agjehar šaj te dukhadvikere i mortik thaj i ligavica, thaj e nervengoro sistemi thaj i godi. O dukhadvipa ko rateskoro damari, e nervengoro sistemi thaj ki godi šaj te oven darbukja džidvipaske ako na sastljareja tut.

O nasastljardo sifilis šaj te ingarel pes (prensine) e čhaveske ko khamnipe thaj te del le phare dukhadvipa. I džuvli telo e khamnipaskoro vakti ka ovel pučli (ponudimi) te kerel jek sifilistest, o cilj akaleskoro tano te šaj te sastljare tut thaj te arakhe e čhave taro dukhadvipa.

Akala tekstija tane ikalde 2009 taro socialikano ingaribna thaj tane kontrolirime taro HANS CARLBERG, upro o doktori (baro doktori) Sösam, jekhipe baš i seksualikani sastljarin ki klinika baš o dermatilogija thaj venerologija, Söder nasvalipaskoro kher (bolnica); HANS FREDLUND, docenti thaj astaribaskere nasvalipaskoro arakhibaskoro doktori ko Örebro, Univerziteteskere nasvalengoro kher ko Örebro; LENA MARIONS, docenti thaj upro o doktori (baro doktori) ki džuvljengiri klinika, Karolinska Univerziteteskere nasvalengoro kher.

I grafikani forma thaj ilustracija: Infab

